

थस्सिलुनीकियों के नाम पौलुस प्रेरति की दूसरी पत्री थस्सिलुनीकगिोळ हेसुर पौलुस प्रेरति उन दुसरा चट्ठी परचिय

ईद थस्सिलुनीकगिोळ्द लखिसद पौलुस उन दुसरा चट्ठी १:१ पयला चट्ठी लखिसदुर बाददा ईद चट्ठी लगभग मसीह अन्द जनम इन ५१ साल इन बाददा लखिसदुन. याग आव ईद चट्ठी लखिसदुन आग आव कुरनिथनिगर दा ईरोन ईद चट्ठी जो थस्सिलुनीकगिोळ्द मंडली इक लखिसकु आगीत, ईद पौलुस तान दुसरा मशिनरी यात्रा अन न्याड्या दा स्थापति माळदुन प्रेरतिगोळ १७:१-१० ईद मंडली यहूदी अदकि गैरयहूदीगोळ्द बनस्कु ईरोद.

ई मंडली इन लाँकुर आखरी समय इन बारा दा अदकि प्रभु अन दुसरा आगमन ईद बारा दा इन बारा दा जानसोर साटी हापाळ उत्सुक ईरोर, इदुरसाटी पौलुस तांद येदहु चट्ठी दा ई मातगोळ्द जकिर माळतोगोन. ईद दुसरा थस्सिलुनीकगिोळ्द चट्ठी हुन आर्धा से यक्कुल हसिसा आखरी समय इन बारा दा आद जो आलसी आर आंदुर बारा दा भी जकिर माळतान. अदकि ईद अनतान कऱिहर ऊंद मळसा तान जीवन नरिवाह माळोर साटी कयाल्सा माळुल ३:६-१०

रूप-रेखा

१. पौलुस खुद इन अदकि तान संगीगोळ्द परचिय कोळतान १:१-३
२. पौलुस परमेश्वर उन थस्सिलुनीकगिोळ्द मंडली

इक धन्यवाद माळतान, अदकि आंदुर साटी प्रार्थना
माळताने१:३-१२

३. आखरी समय इन बारा दा चर्चा २

४. आलस इन वरीध दा अदकि मयनत इन जरवत इन बारा
दा पौलुस उन शक्षिा ३:१-१५

५. पौलुस उन मंडली इक दुबारा नमस्कार ३:१६-१८

1 *पौलुस अदकि सलिवानुस अदकि तीमुथयुस इन सांगुळ
नाम आप्प परमेश्वर अदकि प्रभु यीशु मसीह अन लॉकुरी
चट्टी लखिसतीन, थस्सिलुनीकेगोळ मंडली दा आद: 2 नाम
आप्प परमेश्वर अदकि प्रभु यीशु मसीह अन दी टु नीमी
अनुग्रह अदकि शांती सकितेला ईरूल.

न्याय इन दनि

3 हे वारटुरा अदकि आकतीगेरा, नीम बारा दा नामी हर समय
परमेश्वर उन धन्यवाद माळ पायजे, अदकि ईद उचति भी आद,
इदुरसाटी क्नि नीम वशिवास हापाळ वाळुसीग्याद, अदकि नीम
सप्पा मुंदुरद प्यार आपस दा हापाळ अच वाळुसतेला होगेत्याद.
4 ईल ताका क्नि नाव खुद परमेश्वर उन मंडली दा नीम बारा
दा घमण्ड माळतेव क्नि यास उपद्रव अदकि क्लेश नीव सहन
माळतीर, आ सब दा नीम धीरज अदकि वशिवास प्रगट आगतद.

5 ईद परमेश्वर उन खरा न्याय इन स्पष्ट प्रमाण हुन क्नि
नीव परमेश्वर उन राज्य अन योग्य ठहरूसी, यदुर साटी नीव
दुख भी नेगुतीर. 6 यतकी परमेश्वर उन हातती ईद न्याय आद
क्नि जो नीमी क्लेश कोळतार, आंदरी बदला दा क्लेश कोळुल
7 अदकि नीमी, जो क्लेश पाऊसतीर, नाम सांगुळ चैन कोळुल;
आ समय याग क्नि प्रभु यीशु तान सामर्थी स्वर्गदूतगोळ
सांगुळ, धधकुसतेला बेक्की दा स्वर्ग टु प्रगट आदान, 8 अदकि
जो परमेश्वर उक अरालुर अदकि नाम प्रभु यीशु उन खुशखबरी

* 1:1 १:१ प्रेरतिगोळ १७:१

इक मानसालुर आंदुर से बदला ताकोडान. ⁹ आंदुर प्रभु उन मुंदु टु अदकि आऊन ताकत इन तेज देल दुर आगकु अनन्त वनाश इन दण्ड ताकोडार. ¹⁰ ईद आ दशिी आदीत, याग आव तान पवतिर लॉकुर दा महमिा ताकोमोर अदकि सब वशि्वास माळावाळेर दा आश्चर्य अन कारण आगोर साटी बंदान; ईंदुर दा नीव भी सहभागी आईर यतकी नीव नाम गवाही मा वशि्वास माळदीर. ¹¹ इंदुरसाटी नाव हमेशा नीम साटी प्रार्थना भी माळतेव कि नाम परमेश्वर नीमी आ जीवन इन योग्य समसुल, अदकि भलाई इन हर ऊंद इच्छा अदकि वशि्वास इन हर ऊंद क्याल्सा अक सामर्थ्य सहति पुरा माळुल, ¹² ताकी नाम परमेश्वर अदकि प्रभु यीशु मसीह इन अनुग्रह अन अनुसार नाम प्रभु यीशु उन हेसुर इक महमिा सकिल, अदकि नीमी भी.

2

दुष्ट मंळसा

¹ ✨ हे वारटुरा अदकि आकतीगेरा, ईग नाव तान प्रभु यीशु मसीह अन बरोद, अदकि आऊन हात्ती तान जमा आगोद बारा दा नीम से वनिती माळतेव. ² कि परमेश्वर उन दी टु बरावाळा बातणी, या वचन, या चट्ठी इन द्वारा, जो कि नाम चट्ठी इन द्वारा नीमी ईतीदाद, ईद सम्सकु कि प्रभु उन दनि होत बंदाद, नीम मन अचानक असंची आगबाळुल अदकि नीव दुखी आगबाळी. ³ यातारा रीति देल यारदारा ध्वाका दा बरबाळेतीर, यतकी प्रभु उन दनि आगासताका बरतीदील यागासताका परमेश्वर उन खलिाप आखरी वदिरोह सूरु आगतीदील, अदकि आव पाप इन मंळसा मतलब दुष्ट मंळसा प्रगट आगतीदील जो नरक दा नष्ट माळकु आदान. ⁴ आव दुष्ट मंळसा वरिध माळतान, अदकि हर ऊंद से जो ईश्वर उन

या पुजा अन वस्तुगोळ्द वरीध माळतान, तान तान इक अदुर से धोळ्द ठहरूस्तान, ईल ताका क्क आव परमेश्वर उन मंदरि दा कुर्तकु तान तान इक ईश्वर कहलुस्तान. ⁵ येन नीमी याद हैलेच क्क याग ना नीम सांगुळ ईरीन, रा नीम से ईव मातगोळ अनतोगनि? ⁶ नीव आ मात इक जान्सतीर, जो आऊक ईग प्रगट आगली रोकसेत्याद. अदकि आव दुष्ट मंळसा सही समय मा बंदान. ⁷ यतकी होचद दुष्ट शक्तगिोळ ईग भी क्याल्सा माळत होगताव, लेकीन ईगल्या ऊंद रोकसावाळा आन, अदकि यागासताका अद दुर आगेगाल आव रोकसकु ईत्तान. ⁸ आग आव दुष्ट मंळसा प्रगट आदान, लेकीन याग प्रभु यीशु मसीह बंदान अदकि आ दुष्ट मंळसा अक तान बाय इन फुक देल कौंद बुट्टान, अदकि तान आगमन इन तेज देल भसम माळ्यान. ⁹ आ दुष्ट मंळसा अन बरोद शैतान उन सामर्थ्य देल आदीत सब प्रकार इन ख्वाटा सामर्थ्य, अदकि चमत्कार, अदकि अदभुत क्याल्सागोळ सांगुळ आदीत, ¹⁰ अदकि नाश आगावाळेर साटी सप्पा प्रकार इन दुष्टता देल फसुस्यान. यतकी आ लॉकुरद नाश आदीत यार आ सत्य से प्यार ईटीदलि. ¹¹ ईदा कारण परमेश्वर आंदुरदा ऊंद जो भटकुसतद आ सामर्थ्य अक कळ्यान क्क आंदुर ख्वाटा अन वश्वास माळुल, ¹² ताकी यास लॉकुर सत्य अन वश्वास माळालुर, उलटा अन्याय देल प्रसनन आगतार, आंदरी सप्पा मुंदुरी दण्ड सकिल.

मजबूत बनसकु ईरी

¹³ हे वारटुरा अदकि आकतींगेरा, अदकि प्रभु उन प्रयि लॉकुरा, आगली होना क्क नाव नीम बारा दा हमेशा परमेश्वर उन धन्यवाद माळतेला ईत्तेव, यतकी परमेश्वर पयले टु नीमी नीवळुस्यान क्क पवत्रि आत्मा अन सामर्थ्य अनद द्वारा पवत्रि आगकु, अदकि सत्य अन वश्वास माळकु उद्धार

ताकोमी, ¹⁴ यदुर साटी नाव जो खुशखबरी नीमी केळसदेव, क् नीव नाम प्रभु यीशु मसीह अन महमा दा सहभागी आगी. ¹⁵ इदुरसाटी हे वारटुरा अदकि आकतींगेरा, संची ईरी; अदकि जो जो मातगोळ नीव उपदेश या चट्टी इन द्वारा नीमी कोटेव, अवरी हुळकु ईटी.

¹⁶ नाम प्रभु यीशु मसीह खुद अच, अदकि नाम आप्प परमेश्वर, याव नाम से प्यार ईटदुन अदकि अनुग्रह देल प्रोत्साहन शांती अदकि वळ्लीद आशा नामी कोटान, ¹⁷ नीम मनगोळ दा प्रोत्साहन कोळ्ळुल अदकि नीमी हर ऊंद वळ्लीद क्वालसा अदकि वचन दा मजबूत माळ्ळुल.

3

नाम साटी प्रार्थना

¹ अन्त दा, हे वारटुरा अदकि आकतींगेरा, नाम साटी प्रार्थना माळतोगी क् प्रभु उन वचन हगि राटनेरी फैलुमुल अदकि महमा आगुल, हयांग नीम दा आत, ² अदकि नाव तेळा अदकि दुष्ट मंळसागोळ देल उळ्दकु ईरूल यतकी हर मंळसा वचन मा वश्वास माळालुन.

³ प्रभु वश्वासयोग्य आन; आव नीमी मजबूती देल संची माळ्यान अदकि आ शैतान उन से सुरक्षति ईट्यान. ⁴ नामी प्रभु नीम बारा दा भरोसा कोळतान क् जो-जो आग्या नाव नीमी कोळतेव, अवरी नीव मानसतरि, अदकि मानसतेला भी ईत्तीर. ⁵ परमेश्वर उन प्यार अदकि मसीह दा हम्मत ईला बळोद अदकि प्रभु नीम मन इन अगुवाई माळ्ळुल.

कार्य माळोद उत्तरदायत्व

⁶ हे वारटुरा अदकि आकतींगेरा, नाव नीमी तान प्रभु यीशु मसीह अन हेसुर देल आग्या कोळतेव क् नीव हर ऊंद ईत्ता वश्वासी से ब्यार ईरी जो अनुचति चाल नळ्ळुतान अदकि जो

शक्खा आव नाम से ताकोंडान अदुर अनुसार माळालुन. 7 यतकी नीव खुद अच जान्सतीर कयाता रीता देल नाम घाई चाल नळु पायजे, यतकी नाव नीम न्याड्या दा ईरेव आग आलसी ईला ईरेव, 8 अदकि यारदु रोटी फुकट दा तंददिल; लेकीन मयनत अदकि कष्ट देल ईळलक हागुल कयाल्सा धंदा माळतोगेव कि नीम दा टु यारदु मा भार बरबाळुल. 9 हगि ईला कि नामी नीम से मदत बेळोद अधकार हैलेच, लेकीन इदुरसाटी कि तान तान इक नीम साटी आदर्श ठहूसदेव कि नीव नाम घाई चाल नळी. 10 यतकी याग नाव नीम मान्या ईरेव, आग भी ईद आग्या नीमी कोळ तोगेव कि “अगर यावारा कयाल्सा ईला माळोद चाहसतदान रा ऊम भी बाळुल. 11 नाव केळतेव कि थ्वाळासा लॉकुर नीम न्याड्या दा आलसी आर अदकि येनु कयाल्सा धंदा माळालुर, लेकीन दुसरा अन कयाल्सा दा कय हाकतोगतार. 12 ईत्ता मंळसागोळी नाव प्रभु यीशु मसीह दा आग्या कोळतेव अदकि समझुसतेव कि वळ्लीद रीता देल कयाल्सा माळकु तांद अच रोटी तनिल.

13 “नीव, हे वार्दुरा अदकि आकतीगेरा, भलाई माळदुर दा हमिमत बळिवाळी. 14 अगर यावारा नाम ई चटिठी इन मात इक मान्सालुन रा आऊन मा नजर ईटी, अदकि आऊन संगत माळवाळी, यदुर देल आव लज्जति आगुल. 15 तरी भी आऊक दुश्मन सम्सबाळी, लेकीन सप्पा मुंदुरी वशिवासी जान्सकु समझुसी.”

आखरी शब्द

16 ईग प्रभु जो शांती नव सोता हुन खुद अच नीमी हमेशा अदकि हर प्रकार देल शांती कोळुल. प्रभु नीम सप्पा मुंदुर सांगुळ हमेशा ईरूल.

17 ना, पौलुस, तान कय देल नमस्कार लखिसतीन. हर चटिठी इक ना हगि खतम माळतीन; ना ईदा प्रकार देल लखिसतीन

अदकि हर ऊंद चट्ठी दा ना हगिा हस्ताक्षर माळतीन. 18 नाम
प्रभु यीशु मसीह अन्द अनुग्रह नीम सब मा आगतेला ईरूल.

परमेश्वर उन खरा वचन
The Holy Bible in the Holiya language of India: परमेश्वर
उन खरा वचन

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन
व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023

3943f9d0-5b35-54ad-8e8f-1b7bf74924c6